



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՆԱՅ ՊՈՒԻՍ



Ն. Ա. Տ. ՄԵՍՐՈՊ ԱՐՔ. ՄՈՒԹԱՖԵԱՆ
ՊԱՏՐԻԱՐՔ ԹՈՒՐԿԻՅԵ ԼԱՅՈՑ

Կոստանդնուպոլսի հայ գաղութի պատմությունը սկիզբ է առնում Բիզանդական կայսրության կազմաւորման շրջանից:

«Միայն սա իրողությունը, որ 610էն 1056ը Բիզանդիոնի գահուն վրայ բազմող զանազան ազգէ կայսրերուն երեք քառորդը Հայեր են, խիստ յատկանշական է և գաղափար մը կրնայ տալ Հայոց դիրքին և կարևորութեան վրայ: Հայերը, սակայն, միայն կայսրեր և կայսրուհիներ չեն տուած Բիզանդիոնին, այլ նաև բազմաթիւ քաջ ռազմիկներ, հոշակատր զօրավարներ, վարիչ քաղաքական դէմքեր, նշանատր և հեղինակատր մտաւորականներ, Յոյն եկեղեցիին ծառայող կրօնատրներ» (Ա. Ալպօյանեան):

1453 թ. գրաւելով Կոստանդնուպոլիսը՝ սուլթան Մուհամմէդ Ֆաթիհը մեծ թոռով հայեր բռնագաղթեցրեց մայրաքաղաք: Աւերուած քաղաքը հայ շինարար բազկի կարիքն ուներ: Սուլթանի յաջորդները շարունակաբար տարբեր վայրերից հայ արհեստատրներ էին տեղափոխում Կոստանդնուպոլիս: Այնուհետև Կ.Պոլսի հայ բնակչությունը սկսեց աճել՝ ընդունելով նաև մեծ թոռով գաղթականություն:

1461 թուականին Մուհամմէդ Ֆաթիհը Կոստանդնուպոլսի Հայոց կրօնապետ կարգեց Յովակիմ եպիսկոպոսին՝ նրան շնորհելով այն իրաւասությունները, որ ուներ Յունաց Տիեզերական պատրիարքը: Այսպիսով, սկիզբ դրուեց Թուրքիոյ Հայոց Պատրիարքութեան, որի վարչական-եկեղեցական իշխանությունը հետզհետէ ընդարձակուեց: Դառնալով Թուրքիոյ Հայոց հոգևոր կենտրոնը՝ այն պիտի դառնար ողջ արևմտահայութեան քաղաքական, տնտեսական և մտաւոր կեանքի առանցքը և վճռորոշ դեր պիտի կատարէր նաև համայն հայութեան կեանքում:

Այս դարերի ընթացքում աւելի քան 80 պատրիարքներ նստեցին Պոլսոյ Աթոռին: Յատկապէս Յովհաննէս Կոլոտ Բաղիշեցին, Յակոբ Նալեան Ջմմաուացին, Մկրտիչ Խրիմեանը, Ներսէս Վարժապետեանը, Մատթէոս Իգմիրլեանը, Մաղաքիա Օրմանեանը, Գարեգին Խաչատուրեանը, Օնորիք Գալուստեանը ազգամուէր, եկեղեցաշէն գործունէութեամբ փառքով պսակեցին իրենց գահակալութեան շրջանը:

Յովհաննէս Կոլոտ Բաղիշեցի (1678-1741) արևմտահայութեան մտաւոր զարթոնքի սկզբնատրոյղը եղաւ: Նրա պաշտօնավարութեան շրջանում տպագրուել է շուրջ 100 անուն գիրք: Բազում եկեղեցիների շինութեան և վերաշինութեան համար Կ.Պոլիսը Յովհաննէս Կոլոտին է պարտական: Նա Գումգալուի Մայր եկեղեցուն կից հիմնեց Կ.Պոլսի առաջին մատենադարանը: Նրա շնորհիւ ամրացան Երուսաղէմի Հայոց Պատրիարքութեան խարխլուած հիմքերը: Կոլոտը հիմնեց Կ.Պոլսի առաջին խոշոր ուսումնարանը: Յովհաննէս Կոլոտի գործը շարունակեց և լրացրեց նրա աշակերտը՝ Յակոբ Նալեան պատրիարքը: «Եւ գուցէ Կոլոտի առաջացրած գրական-կրթական շարժումը իսկանար Նալեանի մահից յետոյ, եթէ չլինէր Բաղդասար Դպիրը, որ դեռ Կոլոտի ժամանակից յայտնի էր դարձել իբրև հմուտ հայկաբան և վարժապետ» (Լէօ): Բաղդասար Դպիրը (1683-1768) գործուն մասնակցութիւն է ունեցել Կ.Պոլսի մանկավարժական և գրահրատարակչական աշխատանքներին: Որպէս բանաստեղծ՝ նա իր արժանատր տեղն ունի ուշ միջնադարեան հայ տաղերգուների շարքում: «Պոլիսն ունեցաւ հմտութեան և տքնութեան նոր բարձրունք մը՝ Գեորգ Պալաթեցին» (Յ. Սիրունի): Գեորգ Դպիր Պալատեցու գլուխգործոցը պարսկերէն-հայերէն բառարանն էր, նա «Իլիական»ի թարգմանիչն էր և հայ առաջին հոմերագետը:

Կ.Պոլսի դպրոցները, տպարանները, բարեգործական հաստատութիւնները մարմին էին առնում և զարգանում Պատրիարքարանի հովանու տակ: Կ.Պոլսի առաջին տպարանը հիմնեց Աբգար Թոխաթեցին 1567թ.: Հարիրամեայ դարարից յետոյ Երեմիա Չլէլպի Քէօմիրեանը (1637-1695) հիմնեց նոր տպարան: Սա-



Յովհաննէս Կոլոտ Բաղիշեցի

կայն հայ մշակոյթի պատմութեան մէջ նա առաւելապէս մնաց իբրև խոշոր բանաստեղծ, գիտնական և հասարակական գործիչ:

Հայ տպագրութիւնը Կ.Պոլսում հաստատուն հիմքերի վրայ դրուեց 1690-ականներին՝ Գ. Մարգուանեցու և Ա. Կոստանդնուպոլսեցու մշտական գործող տպարաններով: Պօղոս Արապեանը պոլսահայ տպագրութեան խոշորագոյն դէմքերից է և իր 70-ամեայ գործունէութեամբ յայտնի է որպէս տպագրիչ-հրատարակիչ, գրաձուլիչ, փորագրիչ և նորատեսակ տառերի ստեղծող: Յովհաննէս Միւհեմ-տիսեանի տպարանը ամենակատարեալն էր ամբողջ Մերձատր Արևելքում: Ընանիկ Արամեանը խոշոր դեր կատարեց տպարական արուեստի զարգացման գործում: Արամեանի տպագրական տառերը օգտագործուած են մինչև այժմ և յայտնի են ստեղծողի անունով: Միանչև 1800 թվականը տպագրած հայերէն գրքերի քանակով



Մկրտիչ Խրիսեան



Մաղաքիա Օրմանեան

Կ.Պոլիսն առաջինն էր, իսկ 19-րդ դարում իր 130-ից անելի տպարաններով հայ իրականութեան մէջ այն կրկին մնաց առաջատարը:

Կ.Պոլիսը ոչ միայն հայ տպագրութեան, այլև դպրութեան խոշորագոյն կենտրոնն էր: Այստեղ եկեղեցիներից կից միշտ գործել են տարրական դպրոցներ, որոնք նախնական գիտելիքներ էին տալիս հոգևորական կոչման պատրաստող երիտասարդներին: Դարեր ի վեր գրկված լինելով պետական հովանաւորութիւնից՝ ժողովուրդը սեփական միջոցներով է պահել իր կրթական օջախները: Կ.Պոլսի անդրամիկ թաղային վարժարանը հիմնուեց Մկրտիչ ամիրա Միրիջանեանի միջոցներով: Նրա օրինակին հետևեցին պոլսահայ միւս ամիրաները: Ամիրայական սերնդի առաքինութիւնների մարմնացում էր Յարութիւն Պէզգեանը (1771-1834), որի գործունէութեան շրջանը ժամանակի պատմագիրները անուանում են «Պէզգեան դար»:

19-րդ դարի սկզբից ստեղծուեցին

բազմաթիւ բարեգործական կազմակերպութիւններ: Դրանք ստանձնեցին հայկական դպրոցների պահպանման նիւթական բեռը: Կ.Պոլսի դպրոցներից յայտնի էին Սկիտարի ճեմարանը, Պէզգեան, Ներսէսեան, Արամեան, Լուսաւորչեան, Մաքրուհեան, Ագապեան, Էսաեան վարժարանները: Արդիւնաւէտ եղաւ յայտնի մանկավարժ Ռէթեոս Պէրպերեանի հիմնադրած վարժարանը, իսկ Կ.Պոլսի կեանքում նշանակալից պիտի դառնար Ներսէս Վարժապետեանի նախաձեռնութեամբ և Միհաս Չերազի տեսչութեամբ կեդրոնական վարժարանի հիմնադրումը:

1889 թ. Խորէն Աշըգեան պատրիարքի հովանաւորութեամբ և Մաղաքիա Օրմանեանի վերատեսչութեամբ Արմաշում հիմնուեց Կ.Պոլսի Հայոց Պատրիարքութեան Արմաշի դպրեվանքը:

Պոլսահայերը առանձնակի հոգատարութեամբ են վերաբերում Ս. Փրկիչ Ագգային հիւանդանոցին: Այն միայն հիւանդանոց չէ, այլ կրթական հաստատութիւն՝ իր ճեմարանով, որբանոցով, տպարանով,



Պեշիկթաշի Ա. Աստուածածին եկեղեցին

«Ընդարձակ տարեցույց»ով: 1832 թուականին Յ. Պեզգենանի հիմնադրած այս հաստատությունը պոլսահայերի աջակցությամբ կատարելագործուեց ժամանակի գիտության և առողջապահության պահանջների համաձայն և գործում է մինչև այսօր:

Ազգային վարժարաններից բացի Կ.Պոլսում գործում էին Վենետիկի Մխիթարեանների Գատըզհուլի և Բերայի վարժարանները և Վիեննայի Մխիթարեանների Բանկայթի թաղամասի լիցեյը: Մխիթարեան դաստիարակների ազգասիրությամբ ներշնչուած շատ սերունդներ հայ վերածննդի առաջամարտիկները եղան:

1853 թուականին ստեղծուած Ռուսմանական խորհուրդը ուղղութիւն տուեց կրթական գործին, վարժարաններն ունեցան իրենց կանոնադրութիւնը և ուսումնական ծրագրերը: Կրթական շարժման վերելքին իրենց նպաստը բերեցին Կ.Պոլսի մանկավարժական ու մանկական հանդէսները: Բարելաւուեցին դպրոցական ընթերցարաններն ու դասագրքերը: Լայն ճանաչում ունէին Մ. Գարագաշեանի, Գ. Սրուանտեանի, Մ. Մամուրեանի, Ե. Տէմիրճիպաշեանի, Հ. և Ջ. Ասատուրների, Ռ. Ջարդարեանի ընթերցարանները: Փառահեղ սերունդներ դաստիարակեցին կրթական մշակներ Յ. Մալեզեանը, Գ. Փեշտիմալեանը, Ա. Փափազեանը, Մ. Մեզպուրեանը, Մ. Գարագաշեանը, Յ. Հիսարեանը, Թ. Թերզեանը, Ա. Թոլեանը, Մ. Չերազը, Յ. Գուրգէնը, Ռ. Պերպերեանը:

19-րդ դարի սկզբից Կ.Պոլսում հիմնուած թաղային դպրոցների թիւը տատանուում էր 40-ի շուրջ: Տարբեր տարիներին գործել են նաև մօտ 50 մասնատր դպրոցներ:

Գրիգոր Օտեանի, Նահապետ Ռուսիանեանի, Սերովբէ Վիչէնեանի և Նիկողայոս Պալեանի մշակած ազգային, մշակութային



Խաչքար (1733) Ա. Գրիգոր Լուսաւորի եկեղեցում



Ա. Փրկիչ Ազգային հիւանդանոցը

և հանրային կեանքին վերաբերող կանոնադրութիւնը, որը կոչոււմ էր Ազգային սահմանադրութիւն, 1860 թուականին ընդունեց Կ. Պոլսի Ազգային ժողովի կողմից: Սահմանադրութիւնը կարևոր էջ էր արևմտահայ հասարակական մտքի և քաղաքական պայքարի մէջ:

Հայ Պոլիսը, որ միշտ աւիւն է ստացել մայր երկրից եկող թաքմ աւիշով, Ազգային սահմանադրութիւնից և Ջէթումի հերոսական ապստամբութիւնից յետոյ՝ Մ'կրտիչ Խրիմեանի հօգը շնչի ազդեցութեան տակ, իր հայեացքն ուղղեց դէպի անտեսուած հայկական ուսումները և սկսեց ապրել դրանց հոգսերով: Պատրիարքարանում ստեղծուած «Գաւառաց

Տառապելոց ընկերութեան» (1862), «Հայաստանի Սովելոց Խնամատար Յանձնախումբի» (1880) նպատակը գաւառի պաշտպանութիւնն ու առաջադիմութիւնն էր: Ստեղծուեցին բազմաթիւ այլ ընկերութիւններ, որոնք ձգտում էին Արևմտեան Հայաստանում կրթական գործը զարգացնել: Դրանցից խոշորագոյնները կապեր հաստատեցին հայութեան միւս հատուածի հետ և հիմնական հասոյթները ստանալով Կովկասից՝ շուրջ 60 վարժարան հիմնեցին գաւառներում:

«Դպրոցասէր Տիկնանց» և «Ազգանուէր հայուհեաց» կրթական ընկերութիւնների ստեղծումը արդիւնք էր այն մեծ շարժման, որ սկսել էին Կ.Պոլսի հայ կանայք: Այդ ընկերութիւնների ոգին էին գրողներ Սրբուհի Տիւսաքը, Ջապել Ասատուրը, Արշակուհի Թէոդիկը, որոնց շուրջ հաւաքուել էին անձնուէր և գործունէայ հայուհիներ: «Դպրոցասիրաց»ը Կ.Պոլսում բացեց Դպրոցասիրաց Տիկնանց վարժարանը, որը պիտի հոչակուէր իր գործունէութեամբ, կազմակերպեց հայկական առաջին ցուցահանդէսը՝ Յովհաննէս Այվազովսկու մասնակցությամբ, որն այս ընկերութեան անդամ էր:

19-րդ դարի սկզբից մինչ 20-րդ դարի



Արմաշի դպրեվանքը և Չարխափան Ա. Աստուածածին եկեղեցին



*Ս. Սոֆիա տաճարի գմբեթը (989-992)
Ճարտարապետ՝ Տրդատ*

սկիզբը Կ.Պոլսում գործել են 350 մշակութային ընկերություններ:

1862 թուականին ստեղծուած «Քնար հայկական» երաժշտական ընկերությունը առաջինն էր Կ.Պոլսում, ողջ հայության և Մերձատր Արևելքի մշակութային կենտրոնում: Նպատակն էր «երաժշտության ոգին արթնացնել ազգին մէջ», որի իրականացման համար նախաձեռնող Գաբրիէլ Երանեանը և անդամներ Տ. Չոլխանեանը, Ն. Թաշճեանը, Հ. Չերչեանը և այլք դասախօսություններ էին կազմակերպում, իսկ ընկերության 35 հոգուց բաղկացած սիմֆոնիկ նուագախումբը ձրի համերգներ էր տալիս Կ.Պոլսի թաղերում: Գ. Երանեանը հրատարակում էր ընկերության «Քնար հայկական» երաժշտական հանդէսը, ուր հայկական և երոպական

նոտագրութեամբ լոյս էին տեսնում հայրենասիրական երգեր: Նա հրատարակել է նաև երոպական նոտագրութեամբ հայերէն առաջին «Քնար արևելեան» երաժշտական հանդէսը:

Հայ երաժշտութեան մէջ նշանակալից իրադարձութիւն էր Համբարձում Լիմոնեանի կողմից հայկական նոտագրութեան ստեղծումը, որն անցումային փուլ էր խազային նոտագրութիւնից գծային նոտագրութեան, որի շնորհիւ ձայնագրուեց, պահպանուեց ազգային ժողովրդական և հոգևոր երաժշտութեան պատկանելի ժանուգութիւնը: Ձայնագրութեան նախաձեռնողը Պատրիարքարանում 1864 թուականին ստեղծուած երաժշտական յանձնաժողովն էր, որի աշխատանքների մասնակցեցին ժամանակի ամենակա-

նատր երաժիշտները, որոնցից առաել մեծ արդիւնքի հասան Ե. Տնտեսեանն ու Ն. Թաշճեանը:

1870-ականներին Յ. Վարդովեանի, Ե. Մելիքեանի և Ս. Պէնկլեանի նախաձեռնութեամբ ստեղծուեցին Մերձատր Արևելքի առաջին դրամատիկական-օպերային խմբերը, որոնք իրենց խաղացանկում ընդգրկեցին Տ. Չոլխանեանի և արևմտաեւրոպական կոմպոզիտորների ստեղծագործութիւնները: Կ.Պոլսում յայտնի էր Սինանեանների երաժշտական ընտանիքը, որը մեծ նուաճումների էր հասել երաժշտական-կատարողական արուեստում:

Տիգրան Չոլխանեանի ստեղծագործութիւնը համարում է արևմտահայ երաժշտարուեստի զագաթը: Նա ա-



*Սուլէյմանիէ մզկիթը (1550-1557)
Ճարտարապետ՝ Սինան Մեծ*



*Դոլմաբախիշէ պալատը (1856)
Ճարտարապետ՝ Կ. Պալեան*

ռաջին հայ կոմպոզիտորն էր, որ մասնագիտական կրթութիւն է ստացել Եւրոպայում: Չոլխանեանը դարձաւ հայկական առաջին օպերաների և օպերետների, ոմանաների և գործիքային ստեղծագործութիւնների հեղինակը, երաժշտական առաջին թատրոնի հիմնադիրն ու կազմակերպիչը արևմտահայ իրականութեան մէջ՝ դնելով երաժշտական թատրոնի հիմքերը Թուրքիայում և ամբողջ Մերձատր Արևելքում:

Պոլսահայ երգահանները հայ երաժշտարուեստը հարստացրին Ջէյթու-



*Խաչքար
Ս. Գրիգոր Լուսաւորիչէ եկեղեցում*



Կեդրոնական վարժարանի շրջանաւարտները (1891)



Լսայեան վարժարանի շրջանաւարտները (1903)

նեան երգաշարով, «Կիլիկիա», «Հայաստան, երկիր դրախտավայր», «Շղթայր ենք մեք», «Արիք Հայկազունք», «Օն մեր նախնի», «Գարուն», «Տէր կեցցո» և շատ ուրիշ

հրաշալի երգերով, որոնք որպէս զէնք պիտի ծառայէին ազգային-ազատագրական պայքարում:

1864 թուականին Յովհաննէս Գապարեանի ջանքերով Կ.Պոլսում հիմնադրուեց Արամեան թատրոնը՝ հայ առաջին պրոֆեսիոնալ թատրոն-կրկէրը: Այն միակն էր Մերձատր Արևելքում և շուրջ 20 տարի յաջողութեամբ գործեց թէ՛ Թուրքիայում, թէ՛ Կովկասում:

1810-ականներից Մխիթարեանները ներկայացումներ էին կազմակերպում Կ.Պոլսի իրենց դպրոցներում: Դպրոցական ներկայացումների հիման վրայ դարակէսից ստեղծուած են թաղային սիրողական թատերախմբեր: Այլոննեան եղբայրների ջանքերով 1861 թ. հիմնուեց «Արևելեան թատրոնը»՝ նոր ժամանակների հայ առաջին պրոֆեսիոնալ դրամատիկ թատրոնը: Թատրոնի առաջնակարգ դերասանները՝ Թ. Ֆասուլյանեանը, Պ. Մաղաբեանը, Մ. Մանկեանը, Ս.

Պէնկլեանը, Յ. Վարդովեանը և Ս. Էքշեանը «Արևելեան թատրոն»ի փակուելուց յետոյ ստեղծելով իրենց խմբերը՝ ղեկավար դեր պիտի կատարէին արևմտահայ բեմում:

Թատերական ընկերություններով ողողուած էր Կ.Պոլիսը: Այս ընկերությունների գործունէութիւնը և Ա. Հայկունու հիմնած «Մուսայք Մասենաց» թատերական շաբաթաթերթը իրենց նպաստը բերեցին թատերական արուեստի զարգացմանը:

1866 թուականին Թովմաս և Պայծառ Ֆասուլյանեանները ուղևորուեցին Կովկաս՝ կամուրջ նետելով հայութեան զոյգ հատուածների միջև: Նոյն առաքելութիւնը

կատարեցին Գ. Չմշկեանի հրավերով Թիֆլիս մեկնած Պ. Աղամեանը, Սիրանոյշը, Աստղիկը, Երանուհի և Վերգինէ Գարագաշեանները, Մ. Նուարդն ու Մ. Մանկեանը:

1868 թուականին Յ. Վարդովեանը «Արևելեան թատրոն»ի դերասանական ուժերով Կետիկփաշա թաղամասում թատերախումբ կազմեց, որը դարձաւ Թուրքիայի միակ պետական և Մերձատր Արևելքի ամենամեծ և կայուն ծրագրով գործող թատրոնը: Կ.Պոլսի թատրոնների շուրջ զարգացաւ արևմտահայ թատերգութիւնը: Մկրտիչ Պէշիկթաշլեանը, Թովմաս Թերզեանը, Պետրոս Դուրեանը հանդէս եկան հայ պատմական անցեալը պատկերող ողբերգութիւններով, իսկ Յակոբ Պարոնեանը փայլեց իր կատակերգական թատերախաղերով:

Կ.Պոլսի թատրոնները եղել են դերա-



Տայեան վարժարանի սաները

սանների պատրաստման և հասունացման իւրօրինակ դպրոց: Այստեղ ձևաւորուեց դերասանական մի համաստեղութիւն, որոնցից շատերը մեծ հռչակ ձեռք բերեցին, իսկ Պետրոս Աղամեանն ու Սիրանոյշը հասան համաշխարհային համբաւի:

Քաղաքական աննպաստ պայմանները Կ.Պոլսի հայ թատրոնին ստիպեցին իր ուժերը նուիրել թուրքական բեմին: Պոլ-



Դպրոցասիրաց Տիկնանց վարժարանի սաները (1914)



Գևորգ Աղամեան



Սիրանոյշ

սահայ թատրոնը մի կարճ շրջան ևորից պիտի ծաղկեր «Պոլսահայ դրամատիկ»ի գործունէութեամբ (1919-1923) և իր ուժերը (Վահրամ Փափագեան, Հրաչեայ Ներսիսեան, Մկրտիչ Ջաննան) պիտի նուիրէր արդէն արևելահայ բեմին:

19-րդ դարի սկզբներին Կ.Պոլսում ծաղկում ապրեց պարբերական մամուլը: 1832-ից մինչև 1918 թ. այստեղ լոյս է տեսել 250

անուն պարբերական, իսկ 1918-ից մինչև մեր օրերը՝ շուրջ 150 անուն:

«Մեղու», «Թատրոն», «Բանասեր» և այլ պարբերականների շուրջ ձևատրուել է արևմտահայ հրապարակախօսութիւնը, որի լուսագոյն ներկայացուցիչներից էին Յ. Սվանեանը, Գ. Օտեանը, Ե. Տեմիրճիպաշեանը և այլք:

Հայ մշակոյթի և գրականութեան զարգացմանը մեծ նպաստ է բերել «Մասիս» օրաթերթը (1852-1908): Արևմտահայ գրականութեան ամենախոշոր դէմքերը՝ Գ. Չոհրապը, Երուսիանը, Ե. Օտեանը, Լ. Բաշալեանը, Հրանդը և այլք աշխատակցել են թե՛ «Մասիս» և թե՛ «Արևելք» ու «Հայրենիք» թերթերին:

Արևմտահայ գրականութեան զարգացմանն ի-

րենց նպաստն են բերել «Ոստան», «Նաւասարդ», «Մեհեան», «Քուլխ» գրական-գեղարուեստական հանդէսները, հայ հանրագիտարանային լուսագոյն հրատարակութիւններից մէկը՝ Թէոդիկի «Ամէնուն տարեցոյցը»: Կ.Պոլսի կարևոր թերթերից էին նաև Բ. Քեչեանի «Բիւզանդիոնը» և Բասիմի հիմնադրած և մինչև այսօր հրատարակող «Ժամանակը»:

Պոլսոյ բարբառի հիման վրա ձևատրուեց գրական արևմտահայերէնը, որով ստեղծուեց արևմտահայ հարուստ գրականութիւնը (Յ. Պարոնեան, Պ. Դուրեան, Մ. Պէշկիթաշեան, Մշերենց, Տ. Կամսարական, Գ. Չոհրապ, Ե. Օտեան, Երուսիան, Մ. Չարիֆեան, Մ. Մեծարեանց, Սիամանթօ, Դ. Վարու-



Պոլսի Դրամատիկ թատերախումբը (1919)

ծան, Ռ. Սևակ, Ջ. Եսայեան, Յ. Մանուրի, Ռ. Չարդարեան):

Հայերը Թուրքիայում համբաւատր վաճառականներ էին, և Արևելքի ու Արևմուտքի ճամփաբաժան Կ.Պոլսի առևտրի գերիշխող մասը մշտապէս գտնուում էր նրանց ձեռքին:

18-րդ դարից պոլսահայ ամիրաներն էին կառավարում կայսրութեան տնտեսութեան կարևոր գերատեսչութիւնները: Նրանք էին կատարում երկրի հարկահաւաքութիւնը, բոլոր գործարքները, վարկեր տրամադրում վաճառականներին, պետական գրասենեակներին, յաճախ նաև՝ սուլթաններին: Տիպեանները սերնդէ սերունդ սուլթանների ոսկերչապետներն էին և կառավարում էին տերութեանը պատկանող ոսկու և արծաթի պահեստները: Տասեան գերդաստանին էին յանձնուած զինագործարանները, որոնք վառօդ էին պատրաստում օսմանեան ողջ բանակի համար: Նրանք էին կազմակերպում նաև երկրի թղթի արդիւնաբերութիւնն ու բանակի հանդերձաւորման գործը:

Կ.Պոլսի ճարտարապետական կողողները մեծ մասամբ ծնունդ են հայ



Արշակ Պենկեանի թատերախումբը

հանձարի: Դեռ Բիւզանդական շրջանում Տրդատ ճարտարապետը վերանորոգեց Ս. Սոփիայի տաճարի գմբէթը: Սուլթանների հրաշակերտ մզկիթը, որ Օսմանեան Ս. Սոփիա են կոչում, գործն է հայազգի Սիման Մեծ ճարտարապետի: Ծուրջ երկու դար

Պալեան գերդաստանի անդամները վարեցին արքունի ճարտարապետի պաշտօնը և Կ.Պոլսը զարդարելով իրենց հրաշակերտներով՝ մեծ փառք բերեցին Թուրքիային: Պալեանների արուեստը երևոյթ էր Թուրքիայի գեղարուեստական կեան-




Մարտիրոս Մաակեան



Ագնի Հրաչեայ



Պետրոս
Գուրեան



Միսաք
Մեծարենց



Յակոբ
Պարոնեան



Գրիգոր
Չոհրապ

քում: Նրանք երոպակա-
նացրին թուրքական ճար-
տարապետութիւնը և նոր
ուղի հարթեցին նրա հե-
տագայ զարգացման հա-
մար: Պալեանների կողքին
Յ. Սէրվէրեանը, Գ. և Կ. Օ-
տեանները նույնպէս կրե-
ցին արքունի ճարտարա-
պետի տիտղոսը և իրենց
տքնութեան բաժինը բերե-
ցին սուլթանների մայրա-
քաղաքը պնդելու համար:
Մանաս հայ նկարիչների
ընտանիքի անդամները ե-
ղել են սուլթանների պա-

լատական նկարիչներ:
Թուրքական արուեստում
նրանք առաջին դիմանկա-
րիչներն էին: Արդուլլահ-
ների հայ ընտանիքը Թուր-
քիայի լուսանկարչութեան
սկզբնատրոյը եղաւ: Չիլ-
ճեանները երկու դար շա-
րունակ, սերնդէ սերունդ,
ծնծղաներ պատրաստե-
ցին, որոնք իրենց նուրբ
հնչողութեամբ գերազան-
ցեցին երոպականներին և
միջազգային ցուցահան-
դէսներում արժանացած
շքանշաններով փառք բե-

րեցին երկրին:
Կ. Պոլսում մեծ թիւ էին
կազմում հայ արհեստա-
ւորները, և չկար արհեստ,
ուր նրանք չփայլէին: Օստ
արհեստներ, որոնք ծաղ-
կել են Թուրքիայում և
փառք բերել այդ երկրին
(արծաթագործութիւն, խե-
ցեգործութիւն, գորգագոր-
ծութիւն, ասեղնագործու-
թիւն և այլն), գլխատրա-
պէս հայ ստեղծագործ
մտքի արդիւնք են:
Պօղոս Արապեանը
նախախնամական դեր
կատարեց թուրքական
տպագրութեան համար՝
հնարելով նոր տառատե-
սակներ, որոնք յետոյ «ա-
րապօղլու» պիտի յորջոր-
ջուէին: Յովհաննէս Մի-
հէնտիսեանի ստեղծած
տառերը յեղաշրջում առա-
ջացրին թուրքական տը-
պագրական արուեստում:
Դրանք մինչ 1928 թուա-
կանը օգտագործուել են և
կոչուել Միհէնտիսեան



Ստեփան Բարէլեան, Շահան Բէրբէրեան, Միսաք



Մկրտիչ
Պէշիկթաշլեան



Սիամանթօ



Դանիէլ
Վարունան

տառեր: Թուրքերը նրան
համարել են իրենց Գու-
տեմբերգը:

Հայերը մեծ տեղ ունեն
Թուրքիայի բժշկութեան
պատմութեան մէջ: Ամիր-
դովլաթ Ամասիացին (15-
րդ դ.) Մուհամմէդ Ֆաթի-
հի պալատական բժիշկն
էր և կրում էր «Ճարահրա-
շի ռամադան» (Մեծ բժըշ-
կապետ) տիտղոսը: Ար-
քունի բժիշկներ եղան նաև
Օուշանեանները: Հայ բը-
ժիշկների նախաձեռնու-
թեամբ Կ. Պոլսում հիմ-
նուեց նոր բժշկական վար-
ժարան և Բժշկական Կայ-
սերական ընկերութիւնը:
Օստերը պետական բար-
ձրը պաշտօններ վարեցին
և եղան հիւանդանոցների
բժշկապետեր: Հայ բժիշկ-
ների մի ստուար մասը ծա-
նայեց թուրքական բանա-
կում, նրանցից 10 սկնա-
նունները արժանացան փա-
շայի տիտղոսի, մի մասն էլ
հասաւ գնդապետի աստի-

նանի:
Չափազանց մեծ էր
հայերի նպաստը Թուրքիոյ
կրթական գործին: 21 հայ
ականատր բժիշկներ դա-
սաւանդեցին Կալաթա-
Սերայի բժշկական վար-
ժարանում:
Թուրքիոյ շերամարու-
ծութիւնը գիտական զար-
գացման հիմքի վրայ դրեց
Գ. Թորգոմեանը՝ հիմնե-
լով Պրուսայի Օերամարու-

ծական վարժարանը, որի
տնօրէնն ու ուսուցչապե-
տը եղաւ 35 տարի: Այս-
տեղ բոլոր մասնագէտ ու-
սուցիչները հայեր էին: Ի-
րաւարանական վարժա-
րանի դասախօսական
կազմում հայերը ստուար
թիւ էին կազմում: Այստեղ
փայլեցին Յ. Սագրզը, Կ.
Օահպազը, Հ. Խորոպեա-
նը, Մ. Փորթուգալը, Գ.
Չոհրապը: Գեղարուես-



Յակոբ Մանուրիին մի խումբ պոլսահայ
մտաւորականների հետ



Տիգրան Չոխաճեան

տական վարժարանի հիմնադիրներից էր Ակարիչ և քանդակագործ Երուանդ Ոսկանը, որը երկար տարիներ սմեհահեղինակատր անձն էր այստեղ:

Հայերի խորհրդով և գործուն մասնակցությամբ ստեղծուեցին Օսմանեան դրամատունը, Օսմանեան համալսարանը, Իրաւաբանական վարժարանը, Հանրային Պարտուց Վարչությունը, Օսմանեան Քաղաքային օրէնքը, Պետական խորհուրդը, Կալաթա-Սերայի Սուլթանիէն և այլն:

Հայերը այքի ընկճող, ճոյնիսկ գլխատր դեր պիտի կատարէին այն նախարարութիւններում, ուր մասնագիտական հմտութիւն էր անհրաժեշտ: Որպէս պետական գործիչներ փայլեցին Արտաքին գործոց նախարարութիւնում: Հիմնադրման օրումանից մեծ թուով հայեր էին աշ-

խատում թղթակցութեան և թարգմանական դիւաններում: Հիւպատոսներ և դեսպաններ եղան երոպական երկրներում, վարեցին փոխնախարարի և նախարարի պաշտօններ:

«Հայերն իրենց ստորագրութիւնները դրած են հոյակապ մզկիթներու, անգղագական յիսնամասկիներու, երեւոսէ ամեհանուրք միմպէրներու վրայ, և ինչպէս որ նպաստած են Անատոլոյի տնտեսական զարգացման, աշխատած են զայն գեղարուեստական գործերով զարդարելու: Հայ ճարտարապետութեան կեդրոններուն մէկէն՝ Անիէն հայկական ոճին ազդեցութիւնը եկած է մեր երկիրը, և անոր դրոշմը կը տեսնենք մեր մզկիթներուն ու մեր մէտրէնէներուն վրայ: Մեր օրով իսկ ոչ միայն Վոսփորի ակունքը պճնող պալատներուն վրայ, այլ և մեր դամբա-



Կոմիտաս



Կոմիտասի «Գուսան» երգչախումբը (1911)

րաններուն, մեր շիրմակոթողներուն, մեր գլխու փաթոցներուն, մեր գրպանի կիտուածագարդ ժամացոյցներուն վրայ, ամեն տեղ, ամեն բանի վրայ կը տեսնենք կնիքը անոնց արուեստագիտական տաղանդին», գրել է Թուրքիայի հանրապետութեան Լուսաւորութեան նախարար Համտուլլահ Սիւպհին:

Արևմտահայութեան կեանքում ահատր եղան Համիդ Բ-ի գահակալութեան տարիները: Դրանք զուգահիւսեցին այն պոթելումների շրջանին, որ հայ ժողովուրդը ունեցաւ տեղ-տեղ՝ իր ցատումն արտահայտելով այն վարչակարգի դէմ, որ հետգհետէ դառնում էր զարհուրելի: Համիդն արգելեց հայերի մուտքը Կ.Պոլիս, ուր հայ բնակչութեան թիւը հասել էր 250 հազարի: Հայկական թատրոնները, կրթական հաստատութիւնները, մշակութային ընկերութիւնները իրենց ծաղկունքի մէջ արգելուեցին կտաւվարական որոշումներով: Հայ մտաւորականներն ու ազգային գործիչները բանտարկուեցին կամ արքունիքից երկրից: Արգելուեցին Ազգային սահմանադրութիւնը և ազգային գաղափարաբանութեան հետ առնչուող բոլոր նախաձեռնումները: Դրանից յետոյ Համիդն անցաւ հայութեան ֆիզիկական բնաջնջման: 1896 թ. օգոստոսին Կ.Պոլսում կազմակերպուած ահատր կոտորածի զոհ դարձան 10 հազար հայեր:

Կ.Պոլսի մշակութային կեանքն աշխուժացաւ 1908 թ. Հիւրիլէթի հռչակումից յետոյ: Վերականգնուեցին հայկական դպրոցները, հրատարակչութիւնները, մշակութային ընկերութիւնները և միւս ազգային հաստատութիւնները և սկսեցին անելի արդիւնավէտ գործել: Թատերական կեանքն աշխուժացաւ Արելեան-Արմէնեան, Զարիֆեան-Սևումեան թատերախմբերի այցելութիւններով, Վահրամ Փափագեանի ելոյթներով: Կ.Պոլսի ե-



Վայգզէն Ա կաթողիկոսը և Ընրիք պատրիարքը Գրականութեան և արուեստի թանգարանում (1969)

թածշտական կեանքն իր ծաղկունքին հասաւ Կոմիտասի անմիջական մասնակցությամբ: Վերջինս կազմակերպեց 300 հոգուց բաղկացած «Գուսան» երգչախումբը, համերգներով և բանախօսութիւններով ամեհուրեք տարածեց հայ երգը: Կարճ ժամանակաշրջանում Կոմիտասը պատրաստեց բազում աշակերտներ (Բ. Կանաչեան, Մ. Թումանեան, Վ. Սարգսեան, Վ. Սրուանձտեան, Հ. Սէմերեան), որոնք շարունակեցին նրա գործը:

Հայ Պոլիսը հոգեկան վերելքի պահին էր, իր փառքի գագաթին, երբ հասաւ դժնդակ 1915-ը, և հինգ դարերի կոտակուած յոյսերը փլուզուեցին մէկէն...

Թուրքական գեհեհից փրկուած մտաւորականները զինադադարից յետոյ վե-



Թուրքիոյ Հայոց Պատրիարքարանի շէնքը Կ. Պոլսում

րադարձան Կ. Պոլիս, և կրկին ետուզեո սկսուեց մշակութային կեանքում: Սակայն Քէմալի կառավարութիւնը պոլսահայութեանը ստիպեց ապրել մահուան սարսափի մէջ, և շատերը հեռացան Կ. Պոլսից:

Պոլսահայութիւնը որպէս կրօնական համայնք շարունակեց ապրել իր ազգային և մշակութային արժէքները պահպանելու և զարգացնելու սահմանափակ իրաւունքներով:

Այսօր պոլսահայութիւնը կապուած է իր եկեղեցուն, իր ասանդոյթներին և մեծ հոգատարութեամբ է վերաբերում իր վարժարաններին և հաստատութիւններին: Դարերի ընթացքում կաթոլիկ և բողոքական եկեղեցիներից բա-

ցի այստեղ կառուցուած 55 հայադասան եկեղեցիներից այսօր գործում են 32-ը: Դրանք ունեն իրենց դրպաց դասերն ու երգչախումբերը: Եկեղեցիների շուրջ ստեղծուած են թաղային խորհուրդներ, հոգաբարձութիւններ, խնամակալութիւններ: Գործում է 18 վարժարան, որոնք մասնախորթական, միջնակարգ և ինքնակամ կրթութիւն են տալիս: Համայնքն ունի հինգ բարեսիրական հաստատութիւններ, Ս. Փրկիչ Ազգային հիւանդանոցը, Գալֆայեան աղջկանց և Գարակէօզեան տղայոց որբանոցները, Կեդրոնական վարժարանը, Ս. Խաչ դպրեվանքը: Դպրոցներին կից ստեղծուած են սանոց միութիւններ, որոնք ունեն իրենց մամուլը («Սան»,

«Հանդէս մշակոյթի») և թատերախմբերը: Գործում է ուսումնական խորհրդին փոխարինած Ուսուցաց միութիւնը: Հրատարակում են «Ժամանակ», «Մարմարա» օրաթերթերը, «Ակօս» շաբաթաթերթը: Պատրիարքարանը լոյս է ընծայում «Լրաբեր» տեղեկատուն և «Ծողակաթ» պատմաբանասիրական հանդէսը, իսկ Ս. Փրկիչ Ազգային հիւանդանոցը՝ համանուն ամսագիրը:

Պոլսահայութեան ստեղծագործ մտատրականութեան ներկայացուցիչներն են բանաստեղծներ Ջահրատը, Ջարեհ Խրախումին, Վարդ Օրկահերը, Իգնա Սարըապանը, արձակագիր, հրապարակախօս Ռոպէր Հատտէճեանը, թատերագիր Արման Վարդանեանը, երգահան Սիրվարդ Գարամանուկեանը, դաշնակահար Սայաթ Ջամանը և ուրիշներ:

Այսօր էլ իր հայանպաստ գործունէութիւնն է շարունակում Թուրքիոյ Հայոց Պատրիարքարանը, որն առաջնորդում է պատրիարք Նորին Ամենապատուութիւն Տ. Մեսրոպ արքեպիսկոպոս Մոթաֆեանը:



ՀԱՅ ՊՈԼԻՍ

Տեքստը՝ ԱՆԱՀԻՏ ԱՍՏՈՅԵԱՆԻ
Նկարիչ-ձևատրող՝ ԳՐԻԳՈՐ ԹՈՐՈՍԵԱՆ
Էջաղրումը՝ ԳՈՒՐԳԷՆ ԳԱՍՊԱՐԵԱՆԻ

Գրականութեան և արուեստի թանգարանի
հրատարակչութիւն, Արամի 1
ԵՐԵՒԱՆ - 2000